

太平縣志

重脩太平縣志序

太平邑乘舊矣城郭山河橋梁
邨落各域其徃錢糧戶口賦役
驛郵各核其數星宿土宜物產
形勝多紀其畛名宦鄉賢流寓
卒葬各覈其實忠孝節烈習俗

文藝多登其書前人之志綦備
余來守平陽調閱一過亦惟與
尹斯土者脩其教不易其俗齊
其改不易其宜豈敢掃除其迹
而更張之顧已脩之前輯記可
攷既脩之後通變難周其父老

子弟涵濡於

聖人恩澤之深人物之繁衍月異而

歲不同而風氣亦隆二然日新

而月盛賢有日又導揚善氣以

潤色其間蓋移易之故漸多而

缺畧之文正待補矣李君石圃

來民和吏肅比戶安堵而居乃
於簿書錢穀之餘慨然續脩縣
志書既成屬余為序余以為欲
閭里之敦龐在禁良以辱惡求
政治之脩舉務登德而選才孝
子義嬪之未入於前志者猶思

入之今有其人而不旌焉以爲
陶里勸乎名儒碩德之未登於
前志者猶欲登之今有其人而
不舉焉以使政治成乎余以不
德守茲土欲以漸摩風俗培養
人材兢二夙夜懼弗克勝今是

書既成攷獻徵文燈如指掌吾
知縣之恂謹者借以弊勸之或
有未盡醇者亦泛而風勵之於
以化民成俗不難矣小補云乎
哉是為序

道光乙酉歲嘉平月

誥授朝議大夫知平陽府事前翰林
院編脩京畿道鑒察御史瓌安
王茂松撰

五
易
道

四

重修太平縣志序

或問修志難乎曰難內城郭外
疆圉山川土俗賢聖遺跡舊志
具在何難焉夫事不目見耳聞
則信之難歷年既久往蹟易湮
則知之難而又假聽覩於他人

考校一失實則是非混淆潛德
不彰矧總衆事合羣言以為一
家有功於既往不替於將來尤
難之難者也歲壬午予下車閱
舊志詢知曾修於乾隆申未間
剖劇既竣寢疾不行考其時上

距纂修纔四五十年而已難
如此今殆將百年其難當又何
如耶願念人之苦其難何以謝
先我而為之者予惟時不可緩
事不可辭今年春簿書稍暇以
禮敦請邑紳之賢而才學行素

乎於衆者與之往復商確銳意
刊修廼開志局儲器具丐宗昆
友範司其經費竭廉俸之餘供
飲饌筆札之需網羅搜討採輯
軼事折衷舊聞不溢不漏必求
至當蓋志成此書已三年矣而

諸君子亦皆朝夕其中殫心力
屬事辭不憚煩瘁于是略變前
書體例共成十六卷分為八冊
缺者補之紊者次之百年来之
當入志者備載之矢公矢慎越
十閱月始克歲事甚矣其難也

聞之先正有言凡志成必讓其
鄉先生之齒尊而有文者序之
否則官于其地者也今諸先生
文優於予其于是書也又有功
乃獨以是讓予俾不獲辭因述
其所以難以告後之有志續承

者
道光五年歲次乙酉仲冬月既
望知太平縣事北平李炳彥撰

--	--	--	--